

太上元始天尊說北帝伏魔神呪妙經卷第五

神印品

北帝曰鄴都秘密神呪妙經皆斬鬼之文後使萬神之旨教告諸來世真子得吾此法常能行之為不死之道若頓修學之法在於危

險之路鬼廟之間有諸疑難之處當先反舌向其所唾之三過以左手捻鼻孔下中隔內際三十六過按之勿舉指計數足叩齒七通進手掩鼻臨目微呪曰火鈴印向午彈

朱鳥陵光神威內張山源四鎮鬼兵逃亡

神池吐氣邪根伏藏魂臺四明瓊戶玲琅。王真巍峩坐鎮明堂手揮紫霞頭連神光執詠洞經三十九章中有辟邪龍虎斬罡猛獸奔牛銜刀吞鏤揚山鏤天神雀毒龍六領吐火啖鬼之王電猶雷父掣星流橫

梟音磔駁利音灼逆風橫行天擒羅陣皆在我傍吐火萬丈以除不祥群精啓道封落山鄉千神萬靈併手叩顙澤尉捧爐為我燒香所在所經萬神奉迎天獸來衛千精振伏莫干我氣急急如律令

北帝曰此呪名為南方火鈴大神呪若有一切灾病恐怖之處但存吾形及天蓬大將專志真心念此神呪一遍自然魂魄歸身萬邪攝伏眾惡消亡若諸國土兵革四興侵害萬姓欲求免脫但立七元壇於國北門依時行道然燈燒香念此神呪天蓬將降逆風橫行南方火池吐氣萬丈以除不祥兵戈正息賊害消寧返凶為吉背義不生三十萬兵威加火鈴

北帝曰吾鄴都神印一十二圖靈驗神化變動無方能伏使萬神驅邪遣魅收鬼治病安國寧家依法修行無灾不滅功成道備身生水火逍遙自在長生可取並以赤棗木心為之刻字依科鋪陳醮祭不闕有災之日一心行之上消天災下散地禍救病療疾皆獲神驗

北帝第一煞鬼神印




用雷霹木刻之長三寸闊二寸一分治一切瘧疾但棗栢木亦可

北帝鄴都召鬼神印




用赤棗木心刻之治一切瘧病及印病者必平安

天帝神呪




收邪伏魔令人吉亨

天丁治病疾神印




帶之火吉利

印隨身逐帶之




延年益壽安宅利人口吉

天蓬印




治一切為狗鬼令  
病人自說功成  
道合乘印升天  
長三寸闊三寸分

合君印




帶之令貴  
人朝集入  
宅大吉昌

太微帝君印




帶之令人畏  
懼攝召靈神  
無不振伏  
已上印擇日刻之

北嶽使者印




帶及吞之  
去諸癘疾  
百病帶右  
肘上吉利

大將軍印



帶之伏強  
兵戰鬪用  
之百勝並  
帶右肘上

力士神玉印



雜用隨意  
先書詞却  
印其上帶  
之吉利

太微帝君印



帶之令受敬  
貴人相合長  
一寸二分用  
六合日刻之

北帝曰已前神印却滅三灾安保三光利宜  
萬姓去禍除殃討逐不祥若能志心立見真  
道善哉善哉  
北帝曰吾玄都大神印分布六合救灾解厄  
治病消魔願諸真子勿示非人教印呪曰  
文午

太上神靈炎帝之精霞光掣電流曜三清  
流火萬里鬼無逃形神印一著灰滅邪精  
三五將軍豁落吏兵平天戩地誅鬼不傳  
飛符走印頭戴五星擲火前殺萬鬼千精  
六天鬼賊付與神丁五靈真老是吾天師  
無礙神通萬靈同歸惡鬼絕滅不祥者追  
中黃九道咸布四圍伏匿故氣不遣纖遺  
五瘟七疰吾能殺之何神敢拒何神敢窺  
鬱都戮形北斗斬屍神刀一下萬鬼消糜  
急急如

太上五靈五氣北方黑帝靈君律令教  
又呪曰

大道有神名曰天丁奉承九天受事三清  
下遊世界捕逐妖精神王一怒五嶽摧傾  
征東孽魔豁落鬼兵千千截首萬萬剪形  
羅鄴敢試北都共營凶凶者戮善善者寧  
六天沉魂一一錄名違道者死順道者生  
飛游灾煞敢變幽真鬼妖蕩盡人道安寧  
急急如  
北帝靈君教印斬鬼律令救煞攝

北帝曰此神呪神印北玄所秘上聖所宗告諸將來真子精心受持立我形像供養禮拜精勤不替每年龍行三日馬佳五日雉飛七日戊建九日甲子庚申之日醮祭虔仰專想不二每旦齋心持念神呪滿萬遍當可功成所施即應告諸來世真子若居世俗焚修香火即微聲持念勿令高詞恐驚神祇忌生死穢氣凡持經即須解禁此艷都神印乃長生不死之道故置之於下元生界一十二圖以鎮十二年月日災氣伏滅十二時之難有修之於國天下和平諸方賓伏蠻夷胡越八表歸仁若國土有災殺戮不息君臣憂苦皆須建七元之壇急造印掛於國維十二辰位分野之中晨夕焚香供養

北真將降神印靈仙化為大神或作猛將扶助國家當為消滅三灾刑戮之難戈甲不行國土安康君臣共泰萬民清吉神印之力

北帝曰若下元生人修吾此道未見科法不觀經文符印不備捨訣無方念誦無功只言無効不知神仙妙道事在精修日進其功神

主

靈習記宿愆既蕩罪業蒙原三障漸消六根無礙上通靈智下統人倫立召立來神兵侍衛醮祭不輟上聖日知治病消魔應心隨意功成道果證入無為爾時

北帝所說神呪神印付諸大力神王三十萬人及諸妙行真人凡大地鬼神聞之普皆攝伏滯疾蒙甦冤魂解脫此經又何名之

北帝曰名為艷都神印大帝妙經和天安地度陽九之難延命扶危人各受持告諸真子精而行之

太上元始天尊說北帝伏魔神呪妙經卷第五

正一天師清微弟子 洪百

太上元始天尊說北帝伏魔神呪妙經卷第六

名太上九真妙戒金錄度命九幽拔罪經

爾時元始天尊在九清妙境三元宮中御三炁之華寶雲玉座騫林之下與諸大聖太上道君太上老君九皇上真飛天大聖妙行真人四司五帝天龍人鬼無鞅數衆一時同會劫切寶臺十方來衆皆駕五色雲輪八景琅與玄靈翠節飛雲素蓋麟駕羽軒龍旗鳳葆獅子白鶴嘯歌邕邕燒香散花遊空飛步誦誦洞章朝讚

天尊總校圖籙按度諸苦時三元上宮光明照耀洞朗太空靈都紫微輝映十方下及無極境界長夜九幽地獄之中善惡命根光中煥然一切玄司無不照耀一一天官皆見元始天尊與諸大衆敷弘妙道開化人天標記善功注名黃籙金格玉簡陳列三清一一地獄之中皆見十方救苦天尊入於九幽按度諸苦勅命北帝三官九府百二十曹五帝考官察命童子司命司錄司功司殺土皇九壘及四明公賓友僚屬五嶽掾吏執罰神兵